

光緒江西通志

江西通志卷一百七十二

列女二 瑞州府

元

楊某妻蕭氏高安人年三十夫卒子珍方四歲貞淑勤儉養姑有禮教子有方邑里稱其賢年八十八後嗣益

蕃

謝志

敖某妻胡氏高安人年二十九夫卒撫孤智事聞旌其

閭

謝志

張立試妻高氏高安人遭紅巾之亂欲辱之高罵不絕

口至風源廖家井投入而死

謝志

李馬兒妻袁氏瑞州人至正二十四年李病歿袁年十九誓不再嫁以養舅姑有王成者聞袁有殊色挾勢欲

娶之袁曰吾聞烈女不更二夫甯死不失其身也遂往

夫墓痛哭縊死樹下

元史

蔡元通母

一作仲子妻

新昌人有貞節碑揭於柏樹巷

謝志

明

劉啟一妻張氏高安人年二十夫亡守節奉姑孝謹撫

孤趙孫成立歷五十餘年洪武閒詔旌表

謝志

沈元輔妻涂氏高安人沈籍上高元至正閒元輔爲歐

祥兵所殺時涂年二十五撫孤守節三十餘年洪武閒

旌表

謝志

李崇文妻漆氏上高人年二十九崇文卒撫孤守節歷

四十七年同邑熊伯輕妻王氏年二十八子方一歲伯

輕卒撫孤守志俱於洪武閒旌表

謝志

蕭渭妻邵氏字慕貞高安人年二十夫亡無子苦志守

節正統閒巡撫侍郎趙新題旌

謝志

況吳妻吳氏上高人年二十二夫亡撫遺腹子正道成

化閒旌表

謝志

游奴貞上高人許聘盧節雍未醮而節雍客死奴貞紡

績自守父母欲其改適不從鄉里重之時以粟帛贈焉

呼之爲姑年七十餘卒

明一統志

張鳳翔妻萬氏新昌人年二十五守節撫孤歷六十餘

年成化閒旌門

謝志

劉習恭妻江氏新昌人年二十撫遺腹子守節事聞旌

表

謝志

熊英偉妻張氏胡順爵妻張氏俱新昌人姊妹皆早寡

守節撫孤歷三十餘年宏治閒旌表

謝志

劉啟常妻吳氏高安人年二十夫卒子孟在襁褓家計甚蕭索吳勤紡績以供翁姑斷髮齧指誓無二志孀居

四十餘年而歿宏治閒知府請旌表

豫章書

況志經妻彭氏高安人年二十四夫亡撫遺孤文憲至七十有三卒同邑劉思

一作恩

妻況氏夫亡守節俱於正

德閒旌表

謝志

張

一作胡

榮一妻蕭氏高安人年二十七夫亡正德五年

冬爲華林盜所執罵曰我誓不爲賊狗所辱賊支解之又黎玉亮妻殷氏夫亡十年正德六年夏爲華林賊所執脅以刃不屈罵賊投河賊以槍刺其胸背而死俱題

旌祀貞烈祠

謝志

朱應恢妻胡氏高安人年十九喪夫撫遺腹子歷三十七年正德閒華林賊經其居走匿園中爲所執罵曰我四十年老寡婦也賊奴敢爾邪賊怒斬身分首而去謝志黃暖妻幸氏高安人正德六年夏爲華林盜所執罵賊躍入塘中賊連斫數刃而死題旌祀貞烈祠謝志 白志舊案烈

婦林志作幸氏安志作幸氏今從林志

朱治一妻梁氏名雁貞高安人正德六年冬爲華林賊所執擁之行數里倒淖泥中不起賊怒殺之題旌祀貞

烈祠

謝志

熊奇雅女貴貞高安人年十八爲華林賊所執投河死

事聞受旌

明一統志

熊武六妻胡氏高安人正德七年春爲華林賊所執罵

不絕口賊知終不可奪乃剖之題旌祀貞烈祠

謝志

況夔妻廖氏名足貞高安人正德七年爲華林賊所執

迫之使行乃曰我何人而從汝邪賊削其鼻斫其額而

死題旌祀貞烈祠

縣志

劉士恕妻陳氏新昌人年二十三守節撫孤安仲長亦

娶陳女安仲早卒婦姑守節以老縣令李長表以詩云

孤鐙共守三更淚白首相看一樣心正德間旌表

謝志

聶端冕妻丁氏廖啟妻王氏俱上高人正德七年丁爲

華林賊執不肯從行拽之黃耆嶺殺之時年二十七王

氏亦死其地人稱爲雙節嶺

謝志

晏廷相妻李氏名毓貞上高人正德七年春爲華林賊

所執給以取金自贖逸入牀下憤罵賊叢槩而死

謝志

朱丑四妻熊氏高安人爲華林賊所掠罵賊而死題旌

祀貞烈祠謝志

王恪妻黃氏高安人華林兵變同夫渡河恪遇兵黃以

身冒夫被刃而死恪得免旌節立坊謝志 謹案高安婦女死華林賊者

者府志有傳經妻江氏聞莊妻熊氏

漆修德妻張氏新昌人年少撫孤守節奉詔旌門謝志

陳錦妻周氏高安人年二十守節正德九年旌表謝志

陳政母一作陳韞玉妻羅氏新昌人早寡守節教子政官至侍

郎奏旌年八十四又胡文魁妻劉氏年二十六撫孤守

節歷三十餘年司空陳政爲之傳謝志

毛鳳雲妻漆氏新昌人年十九適毛甫三月夫亡遺腹

生子仁本事姑育子矢不二天鳳雲叔母王氏年二十

五寡撫子鳳武二婦相依人稱雙節謝志

王彥常妻朱氏新昌人年二十四撫孤守節至九十一而終同邑羅中權妻余氏年二十五撫孤守節卒年九十見五世孫又毛衡晉妻汪氏羅友文妻熊氏盧八音妻葉氏蔡良載妻巢氏巢居佐妻蔡氏俱少寡撫孤以

節壽終謝志

蕭洪妻蔡氏新昌人年十七而寡立嗣守節又漆潯淮妻陳氏陶秉彝妻黃氏蔡良迪妻胡氏俱少寡無子以

節終謝志

巢居權妻李氏新昌人年二十四而寡撫遺腹子守節年七十五同邑胡朗妻江氏年二十四而寡撫孤守節姚郁繼妻劉氏郁赴公車卒劉年二十五撫孤守節邑

令俞宗梁均爲請旌

謝志

嚴旦妻傅氏妾楊氏俱上高人傳年二十五而且歿與楊同心守節以老郡守題雙節耿光獎之

謝志

陳正道妻鄧氏高安人年二十而寡撫孤守節同邑況伯珙妻鍾氏年二十而寡撫遺腹子守節俱於嘉靖閒

旌表

謝志

黃榜先妻朱氏名淑貞高安人年二十生子雲龍榜先卒撫孤守節嘉靖閒御史秦鉞題請旌表

謝志

傅孟春母劉氏

一作傅舜妻

高安人年二十一夫亡撫孤孟

春後孟春登嘉靖乙丑進士疏聞旌表其門

謝志

傅應東妻吳氏高安人少保山女年十六應東入贅京邸末期應東歿吳哀毀幾絕家人歸應東喪不以聞吳

知之奔扶柩歸奉姑守節父爲立嗣以成其志嘉靖閒

旌表

謝志

陳禧妻宋氏高安人年二十三禧卒子汝捷甫生五月

宋矢志守節撫孤奉孀姑孝養備至嘉靖壬辰巡按秦

鉞題旌

謝志

吳一鶚妻朱氏字多貞高安人年十九撫孤守節及孤

夭折撫二孫夢說智學成名奉敕建坊額曰坤儀正氣

謝志

藍秋妻金氏高安人秋早歿金矢志守節隆慶閒旌表

謝志

廖啟通妻吳氏高安人年十七啟通卒撫遺腹子守節

巡按任忠題旌又同邑廖希中妻周氏年十八夫亡守

節旌表

謝志

吳夢翔妻唐氏名翠貞高安人歸吳二年無子守節同
邑胡曜妻晏氏名祥貞早寡撫孤守節徐天賜妻張氏
名毓貞年二十夫亡奉親撫孤成立俱於萬厯閒旌表

謝志

潘埜妻晏氏上高人年二十埜亡撫孤守節卒年六十
八同邑李昭妻況氏夫喪哀痛不食三日死俱萬厯閒

旌

謝志

吳文棖妻況氏高安人夫亡守節又同邑楊繼隆妻熊
氏年十八夫亡生子士宗僅半月守節歷三十三年俱

萬厯閒旌

謝志
縣志

黃邦彥母謝氏高安人年二十四孀居撫邦彥成名兩

中乙榜萬厯閒題旌貞節

謝志

況孚卿妻李氏名戊貞上高人年十九夫亡撫孤守節

卒年六十五萬厯閒旌表

謝志

鄭敬棠妻劉氏名仙貞上高人年二十三守節撫二子長欽瑚次欽連勵志養姑萬厯閒御史孫旬題請旌表

謝志

趙山甫妻胡氏新昌人年十八守節撫姪爲嗣卒年八十三萬厯閒旌表又同邑胡呈勸妻陳氏舉人夔女年二十八撫孤守節邑令吳節申請旌表

謝志

朱繼亨妻張氏名京貞高安人早寡撫孤守節又梁越妻傅氏名玉貞蕭連妻朱氏名相貞俱早寡撫孤熊時堯妻盛氏守節厯五十餘年俱於天啟閒旌表

謝志

黃雲齊妻鍾氏名妙節上高人早寡守節壽至百歲

謝志

熊汝道妻蔡氏新昌人年二十六夫歿無子守節姑死

盡哀建坊旌表又同邑劉士謀妻陳氏年二十五撫孤

守節卒年八十巡按劉思問題旌

謝志

王一鶚母傅氏高安人早寡守節撫孤卒年八十一鶚

登進士第又幸立泰妻何氏年二十撫孤守節歷四十

餘年

謝志

蔡夢熊妻趙氏新昌人年十九守節撫孤歷四十二年

旌表又劉仁成妻張氏年二十守節撫孤有司旌之

謝志

廖五傳妻潘氏名坤貞上高人年二十五撫孤守節歷

四十餘年崇禎閒旌

謝志

陳信妻熊氏高安人姑雷氏病篤刲股療之崇禎閒題

旌謝志

鄒魯爵妻劉氏新昌人年二十一撫孤守節建坊旌表

謝志

王師曾妻戴氏名玉貞上高人年十九守節歷五十餘年撫孤國匡登乙榜人以爲苦節之報謝志

劉仁正妻黃氏必遠妻陳氏元成妻張氏俱新昌人早寡守節又劉彥立妻張氏年二十四撫遺腹子守節卒年七十謝志

漆觀源妻熊氏新昌人年二十四夫亡守節撫孤嘉祉成崇禎辛未進士疏母節於朝旌表建坊年八十而終

謝志

黃元臣妻丁氏名鳳貞上高人年二十二夫亡事舅姑

孝謹撫二子高登俱成立守節五十載邑令歐祖賢申

請旌表

謝志

周汝器妻胡氏名金貞高安人年二十五守志上事二

姑下撫二子守節五十餘年以節孝旌

謝志

李九華妻劉氏新昌人家貧事舅姑以孝聞崇禎戊寅
劉隨九華任井陘兵備駐獲鹿縣賊至城陷劉與第三
子亮投烈焰死少子囊投井死招魂歸葬吳甘來爲表
其墓癸未井陘兵備楊汝經獲鹿令游允達建祠祀劉
及二子

國朝順治己亥獲鹿令易道沛大恢祠宇復建亭以覆其

井題曰取義

謝志

陳汝彥妻劉氏高安人年二十夫死守節奉姑以孝撫

子以慈崇禎十四年旌年八十卒謝志

王和鼎妻劉氏新昌人年二十八撫孤誓節教子以繩

先志禮部吳泰來行人毛達俱有傳又同邑劉應進妻

徐氏劉用文妻鄔氏鄔尙德妻戴氏俱少寡撫孤以節

壽終謝志

羅仁妻劉氏高安人早寡守節上奉壽母下撫遺孤始

終如一年七十巡按周燦題請旌表西巡政略謹案

謝志有上高舒景昂妻晏氏鄭奇秀妻嚴氏潘魁梧妻

李氏沈繼夢妻晏氏黃璠繼妻敖氏江良偉妻楊氏李

德元妻陳氏聶應兌妻黃氏鄭元鴻妻劉氏黃頤妻胡

氏王原妻曾氏黃廷龍妻熊氏李天和妻易氏王文進

妻戴氏晏紹賢妻趙氏黃公望妻羅氏曹登妻李氏羅

應嵩妻江氏李宗奇妻何氏黃文杞妻李氏況文繼妻

左氏吳偉妻朱氏沈本源妻況氏

周廷秀妻黃氏況應昌妻鄭氏

陳良驂妻傅氏高安人驂官廣東惠州通判崇禎末年

避左兵於荷峯頂兵至被執傳厲聲呵之曰我命婦也

賊子敢爾既度不免觸石死

楊錫紱節婦傳 謹案明季烈婦死左兵之亂者謝

志有高安凌于鳳妻喻氏藍友黃女學貞廖京妻陳氏劉大紹妻范氏袁維壩妻羅氏劉定先妻鄒氏胡南妻黃氏涂士春妻何氏譚會桂妻汪氏吳郁妻葉氏吳懷妻胡氏傅某妻王氏傅遜妻田氏

吳甘來妻黃氏新昌人甘來官給事黃隨侍者十餘年

甲申之變甘來殉難黃養姑撫孤守志無貳府志

況紹修妻鄭氏上高人紹修湖北武生崇禎末窩賊作

亂破上高城鄭抱幼女避兵北門山岡爲賊所執殺其

女怖之鄭罵益烈賊怒刺其兩目斷其喉謝志

國朝

諶日昇妻陳氏高安人順治閒金聲桓亂爲兵所掠挾

以上馬不屈體中八刃剖心斷頸剔孕而死

縣志 謹案順治康

熙開高安殉難婦女謝志有陳國張妻鄧氏謹案
妻唐氏李恒日妻劉氏李喜妻楊氏李某女轉貞

劉守京妻胡氏劉慶妻徐氏新昌人妯娌也守京為寇

執胡罵賊赴塘水死徐為兵執不屈死縣志 謹案順治康熙間新昌

殉難婦女謝志有李簡慶妻劉氏江英妻熊氏傳廷相
妻陳氏彭元瑞妻聶氏縣志有姚韶妻冷氏戴來定妻

趙氏李良拒妻羅氏蔡璣才妻江氏劉名昆妻陳氏劉守旭妻陳氏

劉守發妻吳氏新昌人順治乙酉掠於寇至里門外識

潭水深處躍入水中厲聲罵賊死雍正六年旌縣志

黃國連妻朱氏新昌人年二十矢志守節歷四十五年

國璋妻朱氏年二十六守節歷二十五載並康熙三十

年旌謝志

焦遇春妻黃氏高安人壽百歲康熙四十五年具題建

百歲坊於拱辰門內額曰貞壽之門謝志

張虬妻彭氏新昌人年二十三夫死絕粒數日舅姑責

以大義乃強起撫孤守志康熙六十一年旌

謝志

漆建妻李氏新昌人年甫笄夫死家貧苦志守節奉姑盡孝訓子成立又同邑漆掄祚妻熊氏胡位化妻李氏劉璋成妻周氏俱年二十餘守志各歷四十餘年俱雍

正四年旌

謝志

漆啟正妻張氏新昌人年二十一撫孤守節雍正五年

旌

謝志

周長瑞妻謝氏高安人夫亡子殤割鼻自誓守節以終

謝志

胡宜全妻陳氏高安人夫亡子夭姑善病多悲曲意承順含辛飲泣未嘗發聲姑歿陳哀毀而疾家人進湯藥

曰向之不死以姑在也今畢矣何用藥爲嘔血數斗卒

縣志

吳起執聘妻熊氏高安人起執亡熊慟哭欲死其父母止之女曰苟令歸吳守節尙可無死告於吳迎歸不出

戶者二十年縣志

李子擴妻張氏子秀妻張氏高安人子擴子秀並國棟子孝友而嗜學國棟遭誣自經子擴痛之自溺以殉遺二子曰天相天柚未幾子秀茹悲而死無子於是以天柚嗣子秀兩張氏交相黽勉勵節撫孤人謂孝節出於

一門楊錫紱節婦傳

李含輝妻黃氏上高人生二子含輝病亟以長子祖陶屬黃必令讀書毋有廢業含輝死黃從夫命日用所積

悉恣購書祖陶卒鴈鄉舉文學鳴於一時自有傳

縣志

羅興拱妻李氏上高人夫亡事姑以孝著姑病疫問者

輒染王獨左右旦夕不離卒獲無恙人以爲孝感守節

四十七年卒侍郎辛從益題其門曰柏節松齡

縣志

況晴川妻廖氏上高人年二十二夫亡投水死同邑況

福成妻吳氏夫亡自縊

縣志

戴一瓏妻李氏新昌人年二十一夫亡自縊死

縣志謹案新

昌殉夫婦女縣志有詳羅徵聘妻胡景瑞妻朱

氏吳身端妻李氏彭行惠妻李氏鄒甘霖妻劉氏熊鉅

景妻李氏張善世女元貞王一福妻胡氏劉煌興妻

郭氏陳傳忠妻馮氏鄒鵬來妻趙氏鄒壽椿妻鄭氏

邢珊妻熊氏新昌人年十七歸邢事舅姑至孝姑嘗病

足熊扶持維謹一日所居被火冒燄負姑而出夫亡守

節剪髮自誓同里梅文倩妻黃氏夫亡剪髮毀容年九

十五卒 縣志

陳曰安妻揭氏高安人歸一年曰安入蜀旋舉一子五年曰安死於蜀家綦貧無以歸棺揭善事舅姑撫子勤摯十數年子娶婦生子於是乃遣入蜀以迎父柩無何子又死蜀家益貧食指且繁揭嘗行乞以養舅姑年八十三卒 縣志

梁聲先妻徐氏高安人夫卒時方有身踰月產女遂自

經縣志 謹案高安殉夫婦女縣志有劉發婦妻梁氏張國美妻蕭氏羅福生妻張氏熊成美妻朱氏李樂妻盛氏常某妻陳氏幸金垣妻朱氏胡汝性妻曾氏吳居閔妻陳氏

熊如洪妻甘氏高安人少寡守志晚依女居咸豐中粵賊犯境人爭出避甘曰未亡人去將何之吾死已後矣

赴屋外塘水死 縣志 謹案高安婦女殉粵賊之難者縣志有吳祖屋妻李氏高日貞妻錢氏

鄒玉成妻梁氏鄒景興妻王氏子婦藍氏女柱英謀祖
 積妻潘氏梅某聘妻謝紫秀易道元妻徐桂英況某妻
 徐帶英吳孕秀女雪英吳某妻教氏徐鏗四女金秀羅
 某女毛秀劉盛全妻謹氏女某劉盛鈔女劉某女章某
 妻鄭氏陶善妻胡氏艾作修妻晏氏王良霜妻高氏傅
 國國妻黃氏謹仁山妻李氏傅煥章妻楊氏劉懋尙妻
 張氏徐大攀妻潘氏劉遠聘妻鄭氏徐慶釵妻謹氏徐
 益蘇妻彭氏皮學欽妻陳氏伍中選妻吳氏黃廣發妻
 傅氏謝守祥妻教氏高開波妻余氏陳某妻游氏謝景
 攀妻教氏晏嘉普妻丁氏黃樹友妻鄭氏黃垂孚妻謹
 氏黃國泰女丁英王啟明妻游氏艾煥章妻王氏冷滿
 緯妻胡氏單化昌妻劉氏謝源以妻廖氏鄒文衡母毛
 氏鄒昌煜妻傅氏鄒守邦妻吳氏鄒昌取妻余氏鄒守
 由妻毛氏鄒克順妻宋氏鄒守宜妻褚氏張勝昌妻褚
 氏從子婦褚氏甘存滂妻徐氏陳恩妻游氏孫永添妻劉氏
 業妻鄭氏宋宜贊妻賈氏陳恩妻游氏孫永添妻劉氏
 永坤妻王氏宋作方妻范氏晏角妻李氏張永佑妻謹
 氏李茂梅妻聶氏甘允見妻黃氏鄒仁體妻鄭氏劉紹
 褚妻游氏妾王氏孫永興妻漆氏游倫選妻漆氏劉元
 超妻宋氏劉鎮揚妻戴氏劉元崇妻吳氏放富妻伍氏
 劉桃世妻傅氏鄒秉瑜妻鄭氏羅福搶妻袁氏晏報妻
 閔氏謝家俊妻熊氏女雨珠從女滿英某妻黃氏陳某
 妻彭氏羅福煌妻黃氏曾泉良妻陳氏劉盛璧子婦某
 氏劉錫齡妻藍氏子全堅妻胡氏鄧美揚妻羅氏黃雲

鴻妻漆氏露鴻妻鄧氏吳統埃妻袁氏傳言快妻黃氏
彭煥章妻胡氏況璧妻魯氏胡居敬妻梁氏晏智川妻
閻氏舒守意妻周氏謝揚堆妻沈氏彭懋順妻江氏子
婦楊氏女孫茵英鄭某女蕙貞皮家駁妻陳氏家驥妻
郭氏劉昭賽妻陳氏汪潤生妻熊氏羅秉布女盧欽偉
妻傅氏子元海妻漆氏孫衍模妻梁氏陳聞琛妻魏氏
陳訓圳妻彭氏敖貽高妻游氏敖遠池妻陳氏江道聆
妻徐氏黃光華妻傅氏葛言文妻劉氏熊紹強妻童氏
熊映奎妻徐氏熊先能妻劉氏李春園妻張氏李海廣
妻萬氏陳訓倫妻胡氏陳懋榮妻彭氏王元章妻陳氏
龔旗耀女舊貞忠義錄有鄒鴻翔妻黃氏鄒秉和妻毛
氏陳茂庸妻彭氏徐子興妻況氏鄭某女玉貞江某妻
徐氏梁某女英英
彭名瀛祖母鄧氏

鄭承業妻晏氏上高人咸豐十一年賊陷上高晏途行

遇賊賊脅之曰從我與汝金否則殺汝晏怒曰頭可斷

身不可辱賊殺之三日得其尸如生縣志 謹案上高

婦女殉 粵賊之難

者縣志有羅福緞妻漆氏羅九亨妻劉氏鄒元五妻何
氏況寶慶妻漆氏羅允貴妻黃氏熊景雲妻傅氏朱厚
烈妻馬氏羅裕妻劉氏易丑妻熊氏左仁興妻李氏左
芹芳妻黃氏黃德添妻胡氏黃寶英妻李氏黃德福妻

江氏黃本英妻潘氏況茂章妻任氏況純女
孔文炳女況丙來妻漆氏袁爵景妻胡氏

胡吉壽妻錢氏新昌人夫亡無子咸豐十一年寇警其

壻盧燦方治團練迎養其家賊至團練戰敗壻家謀避

他所錢漫應曰吾從鄰嫗行取倉皇出走回視錢已投

水死縣志謹案新昌婦女殉粵賊之難者縣志有劉

母袁氏妻熊氏劉佑全母袁氏女洪英盧洪喜

妻井氏朱宜四妻熊氏劉怡士妻盧氏吳瑞端妻張氏

陳從早妻龔氏李牀加妻高氏鄒九優妻胡氏熊福德

妻鄒氏李家敏妻冷氏熊壽儀妻劉氏姚紹曾妻毛氏

魯林永妻劉氏李培嘉妻高氏
熊燦河妻何氏漆南徵妻胡氏

列女三 袁州府
元
龍均用妻陳氏萬載人至元三年兵亂被掠自刎死謝志

陳九淵妻袁氏分宜人元季亂邑萬戶王同者聞袁美

殺其夫欲娶之婦曰夫爲我死我當以死報遂自刎

統志

明

張鼎寶妻敖氏萬載人元末舅姑及夫俱歿於寇敖年

二十餘無子以兄子安保爲嗣撫訓成立洪武二十三

年旌

謝志

李奇山妻張氏萍鄉人年二十三守節洪武中旌

謝志

袁軾妻黃氏宜春人有淑德子五人科甲者三季子業

泗成進士官副使贈中憲大夫張封恭人壽百歲

謝志

孫氏宜春人許聘陽遵哲陽當戍遼東父議別婚孫自

縊而死

謝志

孫氏分宜人許字歐陽翬未婚翬當戍父議他適卽自

縊且曰及吾夫未去使知吾無異志也

謝志

常氏女名秀蘭萬載人年十七遇鄉賊欲辱之拒罵甚

厲賊磔之

謝志

彭氏名淑貞分宜人許字黃固真子澄姪也固真年九歲以子澄株連被戮淑貞甫十歲誓不再適終節母家

府志

袁氏名懿貞分宜人父子良爲黃子澄姊壻靖難時子良就拘其子彥鼎彥輝彥溫並在緝中其姪彥英泣請彥溫出逃以延宗祀懿貞亦力勸如彥英言乃自爲男子衣冠以待緹卒至代彥溫死之

府志

楊伯憲妻周氏宜春人年十九歸楊纔六年伯憲以同知蔚州卒於官周護喪歸葬遺腹一子撫教成立養姑

二十餘年年八十三卒正統初旌表其門

明一統志

易相妻張氏宜春人年二十七無子守節四十餘年

謝志

歐陽鳳妻鄧氏鳳分宜人鄧安福鄧秀女夫歿無子守

節自矢宏治閒旌表

明一統志

錢氏萬載人年十有一童養於徐為玉銘婦玉銘殤父

母議迎歸擇偶女不可或勸之行曰孤燕猶不再偶可

以人而不如乎願勿復言自是足不踰閭事姑以孝宏

治元年歿守貞四十九年

縣志

劉容妻蕭氏宜春人年二十五夫卒矢志守節撫二孤

成立正德閒旌表

謝志

劉璧一作趙璧妻宋氏分宜人年二十四璧亡撫遺腹子守

節三十餘年

謝志

甘希魯妻鄧氏萬載人年二十夫卒遺腹一子家貧織

紆撫孤人稱有貞白操

明一統志

周大甫妻張氏萬載人年二十一夫亡無子立從子元

龍爲嗣守節以終嘉靖閒旌表

謝志

彭秋妻歐陽氏宜春人年十六夫亡守節四十年被旌

謝志

陳壽妻某氏分宜人未婚壽得癩疾其父託媒辭絕女

泣不從竟歸壽壽以惡疾不敢近女事之三年不懈壽

念己疾不可瘳徒以負其婦乃私市砒欲自盡婦知之

竊飲其半冀與俱殞壽服之大吐而疾愈婦亦吐出不

死夫婦偕老生二子家道日隆人以爲貞烈之報

豫章書

郭靄妻彭氏宜春人年二十六靄亡撫二孤守節厯五

十餘年太僕寺丞孫進以其事聞詔旌之

謝志

易恬

一作怡

妻歐陽氏宜春人年二十八夫亡撫孤守節

遭夫姑兩喪苦心殯葬萬厯五年旌

謝志

李慶鍾妻周氏分宜人年二十餘夫亡無子守節旌表

謝志

朱鍊妻蘇氏宜春人年二十餘夫亡無子鍊兄弟欲強

之他適蘇誓死不從有部郎聞欲娶之蘇嘆曰吾無庸

生奚庸富貴孀居五十年至七十五而卒

謝志

袁應霍妻趙氏應槐妻黃氏分宜人趙年二十黃年二

十一夫亡俱無子守節各厯六十餘年萬厯間旌表

謝志

鍾伯良妻袁氏萬載人年十八歸鍾僅逾年伯良卒撫

遺腹子美守節孝事舅姑後美舉明經有司以聞建坊

旌表

謝志

周曉妻曾氏分宜人年二十四曉亡撫孤守節歷七十餘年萬曆十三年旌表

謝志

楊以正繼妻侍氏宜春人年二十二夫亡守節至七十八而卒屢膺旌表

謝志

黃夢龍妻趙氏分宜人夢龍早卒趙甘貧守節訓子希憲成進士歷官少司空趙年八十卒同時黃夢麟妻潘氏夢豹妻鍾氏俱早寡守志三節同堂希憲疏請於朝

詔旌表

謝志

張燊繼妻雙氏萬載人貴州雙堅女也年十八燊赴知江州任娶焉生子以宗燊致政歸尋卒有富民謀奪其志雙引刀刺四字於臂曰誓以死守訓以宗舉鄉試詔

旌門

謝志

譚瑩妻涂氏萬載人年二十五夫歿無子守節年六十

六卒

謝志

龍應時妻袁氏萬載人年十七歸龍夫亡截髮斷指存

其二孤並爲邑庠生守節五十六年

兩溪集

彭信古妻葉氏萬載人年二十三守節撫孤又楊嘉賓

一作珍

妻韓氏年二十三而寡孀居事姑撫二子菁蓁成

立年八十卒

謝志

辛子美妻甘氏萬載人年十六夫亡守節歷四十年

謝志

周榮五妻汪氏萬載人貢生德昌母年二十五孀居訓

子年九十卒又鄧樸妻丁氏郭宏敷妻辛氏楊嘉寶妻

彭氏俱夫亡守節年皆八十餘

謝志

王本遂妻陳氏名戌貞萍鄉人年二十七夫亡撫孤守

節卒年八十

謝志

歐陽餘慶妻聞氏萬載人夫亡守節事舅姑生養死葬盡其孝敬撫子成立天啟三年建坊同里辛應宸妻宋氏吳嘉佐妻潘氏俱以節壽旌門

謝志

李永芳妻彭氏萬載人年二十夫亡誓死守節立從子邦相爲嗣年六十而終

謝志

袁士賓妻李氏分宜人夫亡上事舅姑下撫孤子孀居五十餘年年九十

謝志

鮑紹文妻周氏萬載人年十九紹文歿撫遺腹子守節年九十有司請旌表又歐陽體信妻周氏夫歿守節年七十五而終張鉉妻鍾氏少寡事姑撫子崇禎八年旌

謝志

袁繼宏妻鄒氏宜春人年十四歸袁十六舉子繼宏以應試弗第感憤成疾死鄒孝事舅姑撫訓孤子崇禎閒

巡按周燦具題旌表

謝志

甘棠茂妻王氏萍鄉人崇禎閒楚賊潰萍夫婦被執王給賊釋其夫乃投江死

謝志

周志立妻易氏宜春人年十九夫亡孝事舅姑撫孤成立崇禎戊寅題旌

謝志

劉一菁妻甘氏宜春人年十九無子守節歷四十餘年左兵掠郡甘被殺同邑王道明妻易氏爲左兵所掠牽其手易憤罵曰吾手豈可污奪刀自斷之復曰何不速殺我遂遇害彭汝明妻張氏汝聽妻湯氏汝楫妻張氏

俱不從賊被殺旌表

謝志

李京妻劉氏彭克成妻袁氏宜春人俱爲左兵所掠罵

賊死

謝志

潘鑾妻翟氏宜春人崇禎癸未左兵肆掠翟年甫三十

挈幼子避山巖兵圍之不屈自刎死

謝志

劉和積妻袁氏宜春人年二十二夫亡撫子芳聲僅二

歲癸未遭兵不辱而死子婦楊氏年二十四夫卒撫遺

孤應壁人稱一門貞節

謝志

劉先四妻易氏宜春人癸未被兵執之不從投清瀝江

死又梁峻植妻閻氏遭兵亂執之不屈死

謝志

張相懷妻潘氏宜春人年未二十夫亡孝事舅姑紡績

教子歷三十年左兵亂避集雲鄉寇圍之不能脫遂自

列死

謝志

李廷璋妻嚴氏分宜人年十七歸李生一子夫亡撫孤

守節

國朝巡按張嘉旌其門

府志

文從賜妻宋氏萍鄉人年二十四而寡子採薪遇賊中

流矢宋奔救負歸賊追至脅以刃遂自殺

府志

徐九皋妻何氏萍鄉人明末寇變何氏一門俱盡何及

女弟蘭貞躍水死

府志

吳應殿妻王氏萍鄉人夫歿撫孤守節

謝志

王道成妻柳氏萬載人年二十夫亡守節崇禎癸未山

賊竊發其黨相戒曰毋入王節婦廬年七十而終

謝志

國朝

劉而寬妻王氏宜春人而寬諸生遭寇亂避兵集雲鄉

王爲寇掠不屈投六口江死府志謹案順治康熙間

鴻嘉妻王氏彭之佐妻
何氏張麟文妻彭氏

盧生珦妻彭氏萬載人順治初山賊竊發彭以夫出翁

病不忍他遁賊至出刃相脅彭怒罵賊死府志謹案

萬載殉難婦女府志有王嗣顯妻楊氏彭時自妻李氏

唐之舉妻宋氏李應樟妻高氏韓紹慶妻敖氏丁賜吉

妻高氏高興七妻楊氏龍文
正妻郭氏周大謀妻龍氏

歐陽先妻宋氏分宜人明季鎮兵殘掠先死於難宋年

二十有八衰翁幼子門戶中落宋以健婦支家節操凜

然鄉黨有女中丈夫之目給事中歐陽善爲賦貞松篇

紀之子光緝以明經官南城教諭府志
嚴一桂繼妻賈氏一桂分宜人賈籍金陵隨父入燕一

桂納爲繼室會明季寇亂一桂南返鼎革後賈氏母爲
議他適曰滄桑至此嚴公子存亡安知乎賈以死拒截
髮見志會南北道通賈爲男子服走數千里歸里門鄉
黨羣目爲奇女子多爲詩歌以傳其事

府志

范儼妻余氏宜春人年二十夫亡撫孤以節旌

安志

吳兆開妻張氏萍鄉人兆開諸生康熙時棚寇朱益吾
作亂夫婦並爲所掠張語賊釋吾夫行願相隨也賊喜
釋兆開張度去遠執節不回遂被害時年十有六

府志

施德洋妻喻氏萍鄉人年二十六夫亡事姑撫孤備嘗
艱苦子長娶婦而天躬撫遺孫志存宗嗣會吳寇犯縣
匿身陶穴閒強暴突至伏蔓草中始脫遭歲奇荒茹草
療飢姑老仍無缺養以節孝旌

府志

陳昌言妻劉氏宜春人善事翁姑康熙十三年九月棚寇亂作攜子婦潘氏潛匿黃岡之龍坡嶺五日不食賊至不能起猶拾石擊賊俱被殺

謝志

袁蘇九妻梁氏宜春人蘇九遭寇焚廬驚逸而出既念母棺在堂復入爲寇所殺梁年二十艱貞撫子子長娶婦鍾氏而子復天兩世嫗孀並著苦節

謝志

鄧震妻湯氏萍鄉人年十七夫故冰操自勵康熙五十

三年旌

謝志

何之鼇妻李氏萍鄉人壽百歲康熙五十五年建坊旌表額曰貞壽之門

謝志

楊宗孟妻劉氏宜春人年二十守節歷三十八年雍正

六年旌

謝志

陳旦明妻吳氏宜春人家貧守節紡績養姑同邑周儋

妻劉氏撫孤守節並歷數十年雍正七年旌

謝志

張世竣妻鍾氏分宜人父某游幕大府挈家遇盜鍾奮
投於湖盜去而免父母皆奇之擇所適歸世竣字坤
裔故明司寇承詔曾孫爲諸生有名年二十四力學病
死鍾哭之慟引錐刺一目眇世竣遺詩曰二二集鍾皆
手自編定雍正十三年旌

府志

唐開摯妻辛氏萬載人年二十三夫亡無子無宿糧僦
屋以居或謂近宗零落已盡家無擔石誰甘繼嗣者宜
早自爲計辛曰吾之不死正爲此數世栗主不忍旦暮
無祀耳但日進炷香吾願已盡遑恤其他有兄曰繼摯
恆慮之辛諗其意謂其兄曰他日改志願沈諸河無悔

繼攀善之不復有言適族人有子兩月而妻卒貧無以
養辛乞爲嗣爲糜粥以飼之漸長辛乃有子鄉黨高其
行羣相傳播諸生唐開仕予之田八畝貢生辛金銳予
之田三畝辛乃有養諸生郭邦升予之地作室數椽辛
乃有居乾隆二十一年旌

府志

胡奇賢妻曾氏宜春人堅拒強暴憤自經死乾隆四十

三年旌

府志

嚴開貽妻黃氏分宜人開貽諸生黃年二十有四夫亡
侍養祖姑撫育二子皆出紡績族黨推爲賢懿嘗有盜
入鄰家盜黨相戒毋驚節婦鄰里火及嚴舍自熄人尤
異之督學金德瑛采風袁州追旌其門曰貞節女師

府志

曹顯耀妻劉氏宜春人年二十餘夫亡哀慟絕粒閱五

日自經死

府志 謹案宜春殉夫婦女府志有袁坤七妻夏氏趙上選妻何氏李衡英妻彭氏花先

春妻張氏駱士超妻龍氏

唐二儀妻方氏萍鄉人年二十八二儀病方禱於神請

以身代不驗二儀死方仰天而號引刀自刎不殊家人

傅藥救之給言二儀甦方強起立旋覺其偽手自抉創

而絕

府志 謹案萍鄉殉夫婦女府志有李盛卿妻李氏劉德煥妻歐陽氏劉吉輝妻童氏易增馥妻李

氏劉琅妻陳氏柳國連妻黎氏黃敬善妻鄧氏蔡起杰妻顏氏蔡錫誥妻劉氏甘平章妻鍾氏黃鍾佩妻劉氏

王豐臨妻張氏萬載人豐臨嗜讀成疾臨訣哽咽張爲

誓言終相從地下豐臨死張營葬迄事自經以殉道光

二十七年旌

府志 謹案萬載殉夫婦女府志有龍永高妻湯氏聞池躍妻宋氏郭定鵠妻孫氏

劉良林妻戴氏高兆徽妻湯氏

陳燦未婚妻吳氏分宜人年十八嫁有日矣燦病驟亡

女欲奔喪其母不可遂閉戶投繯以殉越日顏色如生

府志

謹案分宜殉夫婦女府志有趙延揚妻傅氏鍾

毓沈妻

黃氏林上潮妻袁氏歐陽裕懷妻易氏李曰哲

妻朱氏林曰思妻嚴氏嚴曰榮妻林氏

汪麟生妻龍氏萬載人汪籍宜春龍自幼字於汪比長

其從母以麟生爲汪氏養子將悔盟焉女聞自經死

府志

劉鳴鳳妻黃氏萍鄉人年二十四夫亡姑老目昏晝不

見物二子在襁褓黃忍死事畜舐姑目復明人以爲誠

感里豪假灌田營私鑿池於鳴鳳冢畔黃度不能爭奔

哭於冢天大風雨湧沙土夷其池里豪驚以爲神乃止

不鑿守節二十九年卒

府志

李慕暘妻易氏萍鄉人年二十四夫亡鄰里火將及易

使婢扶姑襁二子出獨守夫柩不移火竟熄

府志

敖維漢妻辛氏萬載人粗識文藝年十有八歸漢漢習
質遷客長沙死辛勵節事姑姑歿乃挈從子入長沙覓
漢骸骨以歸嘗逢歲除手書題門曰愧無好句辭殘臘

幸有清身對死夫

府志

辛石生妻朱氏萬載人年二十六夫亡家貧子幼鄰婦
諷之改適朱怒立剪其髮以示不貳年八十二卒

府志

龍廷鳳妻辛氏萬載人幼失父鮮兄弟母氏守節撫之
既歸母氏就養於鳳鳳亡亦無子家且屢空辛苦節自
勵與母紡績以居鄰里火及於辛辛負母出而火已熾
辛突火入攜粟主復出卒與母相依以終

府志

宋春元女觀秀萬載人年及笄族某與父嫌隙謗書沸
騰誣女桑濮女故無瑕玷不勝憤自經死父白於官繫

隙者一鞠款伏冤遂白

府志

汪某女潤香萬載人幼字陳某比長失明陳悔不娶女坦然不自爲意戚屬某聞其賢欲委禽焉女泣告父兒以瞽目爲人弃休覩然而生猶曰天也今又他歸不益恥乎請勿復生父母不忍強以貞女終

府志

袁振餽妻黃氏宜春人振餽明江督繼戚曾孫明亡三世貧薄黃歸振餽年二十一有子起宗甫四十日而振餽亡黃茹飢紡績子長膺選拔貢生

府志

劉羔七女秋姑宜春人咸豐四年粵賊竄境與從妹申

孃俱投塘水死人稱劉氏雙壁

府志謹案宜春婦女殉粵賊之難者府志有

鍾河庭妻蕭氏易秀琨妻余氏死於叛兵者謝淑嬌妻徐麟姑

袁慎祥妻歐陽氏分宜人咸豐辛酉粵賊自上高入歐

陽避賊山中見慎祥爲賊掠遂登樓投繯死同里袁鯤

化妻林氏入煤井死

府志

劉震妻秦氏萍鄉人震官兩浙鹽運副使咸豐十一年

粵賊陷杭震死之秦殉節得旌

府志

文晟妾傅氏何氏萍鄉人晟官嘉應知州粵賊陷城晟

死之二妾同殉難

府志

劉咸妻譚氏妾王氏陳氏幼女麗官劉元恩妾季氏俱

萍鄉人咸官淮揚道元恩官山東冠縣知縣咸豐十一

年同過浙江遇賊紹興楊汛橋並死舟中同時在紹興

殉難者萍鄉民劉九章妻邱氏俱旌表

府志

劉安基妻張氏萬載人咸豐六年粵賊至張負姑匿屋
後山崖閒見夫被虜呼號擲石擊傷數賊賊麇集張知

不免墜崖死

府志

謹案萬載婦女殉粵賊之難者附

和妻盧氏聞炳南妻辛氏王才貴妻巢氏王古成妻周

氏易龍安妻辛氏唐璣王妻李氏易錫純安吳氏汪珠

牙妻黃氏戴長生母鍾氏賴某妻郭氏羅九照妻鄒氏

李世祿妻張氏賴國璣妻藍氏彭美全妻李氏劉二妻

胡氏胡員慶妻古氏龍東來妻辛氏錢某妻袁氏陳某

妻歐陽氏錢某妻喻氏韓細苟女韓受珍女楊錦中女

邱長扶妻蔡氏邱承杰妻蔡氏萍鄉人並夫亡守節同

治四年叛卒入境死於河同時劉世亨妻彭氏李世發

妻雷氏並死之

府志

列女四

臨江府

唐

魯氏不知何許人相傳清江未建郡縣時有魯姓者居

風義巷一日寇至人皆奔竄魯抱長子而反提其幼子

行不能前寇怪問故魯曰幼子妾所生長子前室所生

夫亡時命妾善視之寇感嘆稱爲義婦厚遺而去因榜

其地曰風義

白志 原案與地紀勝作曾氏

宋

劉式妻陳氏新淦人幼賢慧爲父部所鍾愛式清江人游學過新淦鄣見而妻之式爲郎中卒或勸陳多置產爲長久計陳嘆曰先夫子官貧藏書數千卷以遺後此墨莊也安事隴畝諸子習學有怠者則爲不食由是諸子能植立海陵胡瑗敘其事長子早卒四子登第皆爲郎官孫二十五人搢紳稱爲郎官家云

豫章書

歐陽希文妻廖氏新喻人紹興三年春盜起建昌號白璫笠過臨江希文與妻共挾母傅氏走山中爲賊所迫廖以身蔽姑使希文負之逃賊執廖廖正色叱之賊知

不可屈揮刃斷其耳與臂猶謂賊曰爾輩叛逆至此我
卽死爾亦卽屠戮語絕而仆鄉人義而葬之時年二十
九洹熙間郡守以聞敕封護其墓

宋史

歐陽昌邦妻嚴氏新喻人素嫻於禮處姊姒最爲和順
其姒汪氏先卒未葬而嚴氏繼得疾臨終謂其夫曰我
與姒睦死而合葬無恨族姍疑且難之昌邦曰是舉也
吾將以風天下妯娌之不和者自我作古可也遂合葬
於擢秀鄉之南赤石岡扁曰妯娌阡

豫章書

鄒迪母楊氏新淦人性喜篇籍略知大旨蚤失父事母
以孝旣嫁生迪教之不以恩克義迪甫九歲以文顯有
司稱神童呂伯恭志楊墓曰賢淑嫺陶母

謝志

張氏女新淦人年十六母抱疾兩月醫藥弗愈一日焚

香望北祝天以鐵器開右肋取肝如指大以食母母疾

頓愈女亦無恙人以爲孝感云

謝志

鄒氏女新淦人其母聶氏嬰奇疾且殆女年十四泣入臥內以利刃剖股肉作羹以進家人不知女亦不言母啜羹愈女乃以帛裹瘡越數日私起視之家人窺見驚報其母母泣問乃以實對

豫章書

董氏女新淦人好古女年十四剖股救父疾

謝志

元

談采妻廖氏名淑貞新喻人適采采父濟爲零陵縣尹病劇采泣於天請以身代父愈而采死廖年二十七事舅姑教二子逢辰逢源有成虞集爲作談孝子廖節婦墓銘天歷中詔旌其門

謝志

楊士甯妻陳氏筠陽人士甯籍臨江陳年十七歸焉夫
爲保定千戶戍封州卒母趙氏誓不能視陳時年二十
一誓不他適養姑八十餘以天年終部使者以聞詔旌
其門復其家虞集爲作貞節堂記

謝志

母邱氏四川人其父宋末時爲新喻丞以女適邑人蕭
璩年二十三而璩亡矢心不二有子迨躬自訓之至於
成立爲嘉興路學正郡以其事聞詔旌其門復其家

謝志

劉氏名懿文新淦人及笄父許婚趙國祥子未嫁夫卒
父將使他適女曰曩許趙氏義不可再投井死鄉人因

名其里曰懿文鄉

謝志

吳輓妻黎氏新喻人輓官柳州牧吳在家爲賊所執義
不受辱投井死

謝志

明

張均海妻袁氏新喻人均海以賢能膺薦試官浙右以母梁氏年踰八十不得就養遣袁歸里侍梁梁嬰風疾伏枕月餘袁刲股以食梁疾隨愈石門梁寅爲文美之

謝志

皮氏名能貞皮恒鼎女清江人幼許新喻諸生符敬及笄敬卒遂不食臥泣數日誓不再適父母欲奪其志乃密遺敬父母以衾襪曰妾受符聘雖未歸終身爲符妾也恐有不諱無以自明是夕自經而死

豫章書

張元璽妻袁氏元芳妻龍氏元鳳妻邊氏新淦人袁年十八歸元璽越三載而寡家貧且無所出父母欲奪其志袁匍匐持芻糲堂下曰芻食獸類也茲得毋以獸畜

妾乎自是眾不復言侍養舅姑以終龍氏邊氏俱寡聞
閒言輒叱曰獨不愧袁氏乎妯娌三人始終相持勵節
不變謝志

范氏清江人棊之孫女博通經史洪武初召爲女史授
孺人爲宮中姆師一日高后問前代何后最賢家法何
代最正對曰惟趙宋諸后最賢家法最正命錄進更誦
聽之詔賜歸老於家謝志

章伯高妻沈氏上高人章籍新喻沈年二十五夫亡或
諷其改適沈曰婦人足不踐二庭此足一移三綱卽淪
吾爲章氏婦知有章氏而已洪武開旌表謝志

黃體堅妻陳氏新淦人幼納黃氏聘後體堅謫吏於金
陵貽書娶陳父母欲易他女以往陳曰吾命也遂遣歸

體堅以罽誤棄市陳累訴不得白徒步收其屍斂而瘞之乃自經於柩側學士曾棨贊曰生以義歸死以節殉

明書

熊恆順妻李氏清江人歸熊三年夫卒李年十八無子父母數令改嫁李以死自誓乃鞠從孫瞻繡爲嗣紡績自給年八十餘卒

謝志

阮尙德妻張氏新喻人年十九而寡無子或勸其他適張曰吾夫無子吾夫之兄弟有子苟可以繼嗣吾無他求事聞詔旌其門

謝志

廖益麾妻蔡氏新喻人夫亡艱於自給或勸其改適蔡曰妾聞餓死事小失節事大不聽有司建坊表之

謝志

張和正妻胡氏新喻人夫亡遂不御膏沐以未亡人自

處事聞建坊旌表

謝志

邊仲亨妻王氏峽江人仲亨父歿於京扶柩歸卒於道

遺孤能修七歲王撫之守節學士解縉銘其墓

謝志

彭元鼎妻丁氏新喻人年二十一夫歿所親欲奪其志

丁曰夫臨終託吾養其母吾今若去母孰與養天順閒

詔旌之

謝志

周達禮妻王氏新喻人年二十而寡有強其他適者王

曰妾聞禮一與之齊終身不改事聞詔旌

謝志

蕭維學妻袁氏峽江人姑被虎噬袁奔救擊虎竟負姑

歸虎躡其後遂噬袁而死天順閒旌表

謝志

蕭嘉迪妻廖氏嘉聞妻羅氏新淦人廖年二十三羅年

二十一而寡廖與羅同事舅姑清貞一心年皆八十餘

而卒俱於成化閒旌表翰林劉翔督學彭綱有記謝志

黃時訓妻嚴氏清江人孟端女年二十七而寡清修苦

節終始弗渝謝志

鄒濟泰妻簡氏名祥貞新喻人年二十一而寡父母欲

改嫁簡誓死不從服闋復私納采強之簡聞持刃哭於

濟泰靈右斷二指示不再適父母患之乃止成化閒旌

表明書

郭佩璋妻陳氏新淦人年十九佩璋沒陳撫孤守節宏

治閒旌謝志

李厚載妻彭氏新淦人年十七歸李二十而寡父母欲

奪其志彭誓曰從一而終婦人之義遂以鍼刺毀一目

紡績以教遺孤宏治閒旌豫章書

熊斐妻彭氏清江人正德辛未華林賊入城彭被執義不辱死之督學李夢陽聞於朝命立石旌表後復旌門主事敖英爲之傳知府孫偉誌其墓

謝志

劉清微妻邵氏清渭妻熊氏清江人邵年二十而寡撫孤守節正德閒華林賊入城邵走匿孔家塘賊拽之登岸邵匍伏於水堅不行賊怒殺之清渭方寢疾家人奔避熊守之不去賊至擁之行熊抱幼子僞隨賊行至李隆德塘置子水涯自投於水賊追刃之鄰人曾魁拾其

子歸

謝志

鄧介妻易氏清江人正德乙亥盜入介室易盡脫簪珥祈免賊不舍欲污之易紿與偕行賊不備至江濱赴水

死

明書

陳德純妻杜氏清江人華林賊至杜偕小姑避李家塘賊至皆堅執不從罵不絕口俱刃之而棄於水謝章

劉淮妻翁氏清江人華林賊至淮病不能興翁待疾不

去賊掠之仆地不行遂遇害謝志

蕭朝錦一作在新妻楊氏清江人年十九守節撫孤卒年八

十孫宏緒登鄉薦謝志

唐戊一作戌妻陳氏新淦人正德壬申邑被寇陳扶姑出

避賊追及欲犯之陳厲聲罵賊抱二子女投水死小姑

及女奴二相繼溺死謝志

周廉佐妻孫氏新淦人年二十二守節撫孤歷六十餘

年同邑袁達璋妻盧氏年十九而寡守節歷六十二年

卒謝志

朱三錫妻劉氏峽江人年二十四撫孤守節蕭廷寵妻

李氏年十七守節各歷四五十年

謝志

盧修己妻朱氏新淦人將歸而修己病卒朱臨哭盡哀

持服事姑三十年以貞節終

謝志

朱德立妻曾氏新淦人年二十一夫亡撫孤守節年至

八十

謝志

廖伯爵妻楊氏峽江人年二十一而寡父母將爲改適

楊憤泣自縊不得死復斷左手指以明志苦節歷四十

年

謝志

陳富三女峽江人年十九被流賊劫執上馬不從投水

死賊怒斷其首

謝志

袁量超妻劉氏峽江人正德閒盜起執劉欲辱之劉厲

聲罵賊賊怒刃之而死

謝志

習宗漢妻裴氏峽江人未婚宗漢死裴遂斷髮誓志屏

居一室苦節終身

謝志

黃寬妻熊氏清江人寬為慶元儒學訓導卒熊年二十

五撫孤蘭纔七月人或諷其更適熊曰夫忝風教官吾

豈甘為狗彘邪守節五十餘年而終

謝志

饒思明妻孫氏新淦人思明病將死謂孫年少無子盍

他適孫痛哭即自縊於室越七日而思明卒事聞旌表

謝志

龔明一作妻伍氏清江人年二十五夫歿撫孤守節奉

舅姑生養死葬無違禮歷四十餘年卒

謝志

章憲樂妻敖氏清江人年二十有九夫亡撫遺孤錦成

立官崖州知州事聞詔旌其門

謝志

傅玉聲妻趙氏宋宗室裔玉聲新喻人趙善女工玉聲代兄玉良謫役死於通州趙損容飾甘貧守節家有孤燕不易處者數十年鄉里皆奇之

謝志

盧秩妻嚴氏新淦人秩官御史巡按直隸有所推問其人齎重金僞爲秩書送秩家嚴得書覺僞執送法司坐以律以是秩名位益顯侍郎王偉爲賢婦卻金傳

謝志

聶元妻吳氏祥妻杜氏清江人元卒於商吳年二十六矢志不二撫遺孤璧有成事姑孝謹祥沒杜年二十九

貞白自勵事聞詔旌曰雙節

謝志

宋儒淵妻蕭氏儒瀾妻龍氏峽江人蕭年二十九龍年二十七夫卒雙影相弔孝養翁姑人稱其里曰雙節太

史羅洪先爲賦雙鵠歌謝志

萬晁一作晁妻桂氏新喻人年二十二夫卒無子守節事

聞旌表謝志

鄒輿妻吳氏峽江人鄒籍新喻年十九夫亡撫遺孤瑛

矢志不二孝事舅姑舅姑歿養夫之幼弟尤有恩年七

十而終謝志

施廷魁妻黃氏新喻人年二十七夫亡撫孤守節至七

十卒嘉靖間旌表謝志

喻新陽妻孫氏新喻人年二十五夫亡守節上事孀姑

下教遺孤至八十一卒事聞旌表謝志

劉人紀妻楊氏峽江人人紀初商於外訛傳溺死眾議

更適楊不從踰年果還娶後五載人紀客死楊年二十

三守節撫孤子麟教之成立年六十被旌

謝志

曾景昭妻鄧氏新淦人嘉靖閒被盜欲辱之鄧罵不屈

遂被殺事聞旌表泰和歐陽德銘其墓

謝志

李祐七妻周氏新喻人祐七溺死周年二十三奔哭江

濱慟欲絕一夕沐浴生殮女閨秀知之牽抱悲啼不忍

離夜半並投鄰池死御史鄭本立手書貞孝二字建坊

立祠

謝志

王貴蘭妻杜氏清江人貴蘭登賢書卒於京杜年二十

一聞之痛哭不食欲自盡防之不得死或諷以他志杜

泣曰吾夫行以姑付妾妾背之他日死何以見夫於地

下立夫兄幼子爲嗣守節五十年

謝志

熊鵬妻龔氏清江人嘉靖閒賊寇肆掠龔抱稚子被執

罵賊不屈母子被殺謝志

楊中達母黃氏妻鍾氏清江人中達商楚卒鍾年二十

六聞訃哀號欲絕設木主於室旦暮抱孤哭且奠姑黃

氏早寡守節鍾織布鬻珥爲養姑年至九十知府馬文

學題其室曰貞慈謝志

黃一和妻葉氏清江人年二十二夫亡守節養姑撫孤

年七十卒嘉靖閒旌表謝志

黃睿妻鄭氏清江人年二十一睿歿守節歷五十年又

雷冲體一作禮妻劉氏年二十七守節五十七年謝志

吳皆盡妻魯氏新淦人聰慧能詩魯年二十一皆盡疾

作詩屬之有蛾眉不許他人畫鸞鏡休同舊日妝之句

皆盡死魯囊詩佩之撫女守節擇壻得朱璚後魁賢書

其子孟震官都御史兩臺上其事奉敕旌表

謝志

廖輓妻陳氏新喻人輓登鄉試早卒陳年二十四守節

歷四十年有司屢給粟帛

謝志

伍雲岳妻劉氏新喻人夫亡守節撫孤婚冠甫畢又卒

劉與其子婦撫孤孫成立年七十而卒

謝志

周儀禮妻蕭氏字善娣新喻人年十四適周至二十三

而寡矢志撫孤學士羅洪先銘其墓

謝志

萬可貞妻李氏名白秀新喻人年二十六夫亡守節教

子卒年七十有九

謝志

羅某妻陳氏清江人嘉靖辛酉粵寇肆掠賊執之不從

遂遇害方伯熊達表其閭曰孤邨貞烈

謝志

黃某妻廖氏清江人爲流寇所執罵賊而死

謝志

陳某女新淦人年十九流寇焚掠城邑陳被執不從投

水死

謝志

盧大化妻易氏新淦人年二十大化卒於京邸歸櫬卜

葬易告其姑懇治雙槨示無他志無子立姪輯瑞爲嗣

年七十一而終又盧采妻曾氏名緣潔歸盧二年采卒

曾誓死守節年七十四

謝志

王有爵妻黎氏名蘭蕙新淦人遇寇被執不從投福塘

水死

謝志

饒天惠妻王氏新淦人天惠登賢書早卒王守節撫孤

卒年九十萬厯開御史趙士登聞於朝旌表

謝志

周諤妻張氏清江人諤以天啟辛酉中副榜抑鬱而歿

張守節撫孤崇禎開旌表

謝志

易天賜妻鄭氏新淦人天賜精醫學挈家維揚子興甫
二齡天賜卒鄭年十九殮畢自經鄰嫗救之得不死扶
櫬南歸紡績爲活子長令師事鄒南皋以明經入貢鄭
年七十八卒

謝志

劉顧言妻朱氏清江人劉籍新喻朱年十七歸劉事繼
姑以孝聞夫卒守節撫孤年六十九又蘇廷榮妻傅氏
新喻人年二十夫亡守節撫孤侍養舅姑年七十卒

謝志

蕭國用妻胡氏峽江人年二十五夫亡守節撫孤卒年

七十八

謝志

李雙桂妻彭氏新喻人年十四歸鄧州李氏寇至彭被

執不從賊殺之

謝志

彭彬妻王氏新喻人早寡守節奉詔旌表王鐸有記

謝志

金祿元妻李氏清江人年二十夫亡守節撫孤歷四十

年

謝志

黃仁壽妻郭氏新淦人仁壽病革子甫四月謂郭曰母老孤藐皆若責也因私破一鏡生死各藏其半居恆以半鏡自隨御史王萬象上其事崇禎閒旌表

謝志

陳廷燝妻鄧氏新淦人年二十六夫亡守節以家貧尙未及葬會鄰家火鄧痛哭就棺誓與俱焚火頓熄卒年九十孫國釗崇禎壬午舉人

謝志

謝禹鼎妻滕氏建德人年二十歸新淦謝氏夫死滕撫二子階式皆登進士中丞徐問爲之傳

謝志

伍氏女新喻人年十五未字被左兵所掠渡江投水死

謝志 謹案新喻殉左兵難者縣志有歐陽汪妻黃氏

陳光奎妻何氏名蘭清江人爲左兵所掠將犯之何不從以石破額兵刃之仆地一夕蘇襁褓中兒尙在匍匐抵家以兒授姑曰此三世單傳之子姑善視之婦從此逝矣翁姑解之婦曰吾親受凶人罵叱義當死不死誰知吾心者竟自縊里人祠之謝志 謹案清江殉難婦子婦傅氏黃述文妻熊氏黃堯臣妻金氏

聶士偉妻吳氏名玉貞清江人早寡撫二子一女守節崇禎癸未兵亂吳倉卒抱子女匿複壁中兵搜獲以刃劫使出不從隨舉火焚之吳同子女俱死時年二十九

謝志

鄧祿壽妻張氏楊長卿妻熊氏俱清江人明季兵亂被執張蒙刃熊抱子投水死謝志

胡文燦妻楊氏峽江人崇禎癸未獻賊兵至見執罵賊

而死

謝志

胡若均妻曾氏峽江人崇禎癸未冬寇至與若均同被執賊將殺均曾曰幸無殺吾夫但殺妾死無憾也乃覆均而受刃死賊義之爲釋均邑令榜其門曰節烈

謝志

廖伯鐸妻吳氏新淦人崇禎閒流寇肆掠執吳欲辱之吳罵曰甯死無辱竟斃於刃

謝志

國朝

張昇妻劉氏新喻人年二十四夫亡撫孤以節旌

安志

楊泗清妻彭氏名引祥清江人順治戊子金聲桓叛兵至驅彭行彭罵不絕口至橋上奮身投水死其父母哀痛酹酒於橋而祝之俄屍躍出容色如生觀者爲之流

涕安志

吳璧

一作璧

女峽江人丙戌夏璧遇賊見害吳慟哭欲絕

賊驅之行厲聲曰吾恨不能殺汝乃從汝邪賊怒殺之

安志

聶士璜妻張氏新淦人貢生張壽台女年二十四士璜

卒無子守節四十年康熙三十八年旌

謝志

聶士琮妻孫氏新淦人年二十八琮歿事舅姑撫二子

守節四十二年康熙四十一年旌

謝志

龔士瑛妻彭氏新喻人年二十七夫亡守節孝事舅姑

訓育遺孤歷三十三年康熙五十三年旌

謝志

劉正妻羅氏峽江人年二十五而寡奉姑撫孤守節至

七十餘卒雍正五年旌

謝志

高焯妻蕭氏清江人年二十三夫亡食貧勵節撫教幼

子坤爲諸生夫弟子幼孤撫如己子雍正九年旌謝志

范敦化妻簡氏清江人年二十九夫亡撫遺腹孤孝事

孀姑矢節四十四年雍正九年旌謝志

黃奇妻易氏新喻人年十九夫亡撫孤事舅姑苦節三

十餘年雍正九年旌謝志

熊培仁妻楊氏清江人年二十有二培仁客死南甯楊

聞訃不食七日死府志謹案清江殉夫婦女府志有

暹妻張氏陳延珞妻聶氏聶振芽妻喻氏徐學治妻盧

氏陳金耀妻皮氏王朝思妻李氏甘寔林妻胡氏王繼

汎妻歐陽氏謝光祖妻劉氏傅進沾妻周氏金家謨妻

楊氏張翼鴻妻楊氏陳自稻妻聶氏聶純才妻陳氏

黃日光妻湯氏清江人于歸三月日光病亡無子湯斷

髮自誓歷十年死麻衣不釋府志

沈佑盛妻楊氏清江人佑盛族人季彩爲蜚語誣楊楊父有銘聞之縛毆季彩季彩毒其父以脅之楊投水死有司察其事論季彩如律以楊守禮捐軀具題道光二

年旌

府志

許氏名臘姑清江人字黃傑生未婚傑生死鉛華不御者三年父謂臘姑宜若可已臘姑流涕曰父以兒屬黃矣諸姑姊或勸之因言吾不歸黃爲婦則依父爲女績紡自膳以貞女終楊錫紱爲之傳

府志

張問達妻傅氏新喻人年二十有五夫亡旣殮觸棺昏絕家人共救之甦喪畢省親歸遂更衣自經附身附棺預自檢校士林多爲詩歌紀事

府志

謹案新喻殉夫婦女府志有龔美可妻

氏鄧

萬主嵩女良英良秀良貴新喻人及笄未字父沒母病痺三女共鍼滂爲養守志不嫁進士林有席著三貞女

傳府志

鄒躍海聘妻聶氏名王韞新淦人諸生守思女年十八躍海亡矢志不嫁同里貞女朱氏必我女許字新喻黃神選子又鄧氏名淑貞廣甯知縣廷相女許字洪長命黃氏名蘭祥時達女許字劉執仁皆未嫁夫亡矢志終

身府志

張福位聘妻羅氏新淦人未嫁夫亡日夜泣不食而死

府志

張揚名妻彭氏早寡無子有二女姑老家綦貧人謂行勾可得食彭唾之曰我寡人妻亦書生婦有僵斃張氏

舍耳不能爲丐按譜立從子崑爲後日夜操作全門戶
聞劉氏女雲蒸賢手絀絲枲聘以匹崑崑長娶婦三載
卒劉年二十有四生子思賢與姑同操作撫孤鄉里賢

之楊錫
絃集

聶嗣珩妻鄧氏新喻人夫卒孤殤或諷之改適鄧大怒
曰未亡人覩然人世爲奉舅姑計奈何以不肖度我嚼
舌以誓血數升下漬襟袖閒言者駭竄年四十三卒府志

張漢元妻蕭氏峽江人夫亡仰藥死

府志 謹案峽江
殉夫婦女府志有

邊興愛妻尹氏唐逢閨妻王氏陳英明妻高氏陳任中
妻李氏蕭開官妻王氏宋經國妻黃氏彭長壽聘妻高
氏陳某聘妻彭氏

周應芳妻陳氏清江人應芳年十七病篤俗有迎娶厭
凶者徇其說來告於陳父母難之陳曰兒卽不往亦終

身周氏婦何如早正其名遂歸周逾歲應芳亡誓死守

節以從子為嗣教之成立同里張永信妻余氏未婚夫

亡縞素入張舍守節終身道光二十八年旌府志

楊忠恕妻羅氏清江人咸豐辛酉粵賊入境忠恕遠游

羅扶祖姑暨姑率二子奔逸會羅病劇賊且近勢迫甚

羅觸地死賊退祖姑等並免還覓骸骨得遺簪與髮瘞

之府志

黃若賜母某氏清江人咸豐七年粵賊踞臨江若賜奉

母匿山中賊至搜得之若賜遇害母墜水死若賜有妹

適張金泰早寡為母兄營葬畢一慟而絕忠義錄案清江婦女

殉粵賊之難者忠義錄又有李柏慶母某氏妻某氏楊樹木妻盧氏楊仕禮妻傅氏姜國珍妻楊氏

蔡法度妻簡氏新淦人年十九夫亡守節咸豐戊午粵

賊入境指名索簡揚言不得且屠蔡氏族蔡族大懼簡曰是無難賊以興迎豔服譚笑而出方渡谿橋驟自與中躍於水溪流方急覓其尸不可得

內志 謹案新淦婦女殉粵賊之難

者忠義錄又有董文煥妻鄧氏

陳光燭妻羅氏新喻人咸豐七年粵賊竄境光燭被殺

羅匿他所聞之奔往或止之泣曰苟見夫面死吾分也

至亦被執厲聲大罵遂遇害

縣志 謹案新喻婦女殉粵賊之難者縣志有歐陽

有成妻胡氏章惟日妻傅氏胡贊妻歐陽氏羅愛儀妻劉氏伍永開母周氏妻丁氏李貴佐妻陶氏方顯貴妻黃氏方家隆妻黃氏方必慶妻姚氏皮某妻郭氏陳有才妻嚴氏張宏遠妻袁氏郭桂生聘妻廖女蓮秀彭裕忠妻歐陽氏傅柳照女

邊傳音妻陳氏峽江人咸豐七年粵賊犯境傳音挈孥避山中賊猝至執傳音榜掠索金銀陳給之曰金銀匿

於家請釋吾夫歸取之如不信願以身爲質賊如其言
釋傳音陳度其去遠乃厲聲罵曰吾家安有金銀祇有
命而已賊怒殺之焚其尸縣志謹案峽江婦女殉變
賊之難者縣志有賴申麻婁
胡氏宋尚賓妻金氏姚梓材妻戴氏女
賈姓袁道訓妻黃氏袁樸訓妻廖氏